



Шочмо эл, порымлык да гын веер!

17-ше (3301) №,
2017 ий 22 апрель,
шуматкече.

ЯМДЕ ЛИЙ

1933 ий 1 февраль годсек лектеш.

0+

11-21 МАЙЫШТЕ Всероссийский подпiske декаде увертаралтеш. Тиде кечылаште «Ямде лий» газетлан шулдырак ак дене возалташ лиеш.



ВОЗАЛТАСА-А!

«Почта России»
каталогышто
муыда.
Индекс –
П4696

Ф. ЛЕБЕДЕВАН сирет-

ЭЧУК:

Почтальон
акай-влак!

Редакций тыланда
«Ямде лий» газетлан
подпискым ыштыме
шотышто тагасымашым увер-
тара да премийым кучыкта:

**70 утла экземплярлан –
1500 тенге,**

**50 деч утлалан – 1000 тенге,
30 деч утлалан – 800 тенге.**



- Чи-чи, чи-чи-чи! Погыналза
йырем, «Ямде лийым» лудына!

- Агытан-коча, пушкыдо
пүкеныш шинчынат, уны-
каже-влакым кычкыра.
Нунышт, изи шулдыр-
лаштым шаралтен, выр-р
толынат шуыч.

Умбакаже мо лийын?
Йоча-влак, шонен возен кол-
тыза. Эн онгай пашан автор-
жылан ойыртемалтше пöлек
лиеш.

«Ямде лий» газетын АКШЕ:

✓ почтыш миен, шке
налыда гын,
282 тенге;

✓ почтальон конден
пуа гын, **298 тенгеат
80 ыр.**

Тыйын роликан
конькиет уло?

Лотерей

Уке гын, тыгай коньким мемнан
лотерейыште сенен налын кертат.
2017 ий II пелыжлан «Ямде лий»
газетлан подпискым ыште да квитан-
цийжым (копийым) редакцийыш
колто.

17 гыч 30
апрель марте
республикыште
«Земля мари-
ская – наш чист-
тый дом» экологи-
й акция эрта.
Шочмо кунде-
мыштыда арулык-
кым ыштылашке
ушныза!

26 апрельыш-
те Республикысе
татар тўвыра
рўдeryште
«Марий да одо-
влак» келшылаш
кас лиеш.
Кумылан-вла-
кым пагален
ўжына!

Тений
«Тотальный
диктантым»
возылашке 71
эл гыч 200234
еҥ ушнен.
Марий Элыште
36 еҥ диктан-
тым «визытан-
лан» возен.

Ту-
ту!
«Ямде
лийым» луд!

**Увер
выр-
выр**



Уверлан уло вер

Россий Рүдö банкын тем-лымыж почеш «Основы финансовой грамотности» курсым эртараш учебник ден пособий-влакым лукмо. Тудым «Просвещение» холдинг савыктен. Учебник-влакым 30 регионьшто 100 утла опорный школлашке шаркалыме. Марий Элысе школлашкат налме.



Конкурс

«Российысе Йошкар книгасе янлык-влак» йоча творчество конкурсышко ушныза. Конкурс нерген тыгай сайтыште ончыза:

<http://artcontract.ru/deti/eco>

Кугече ончер

Кугече пайремлан школыштына кидпаша ончер эртыш. Ме классге, түрлö тўсан салфеткым кучылтын, кугече муным сōрастарышна. Вика Александрова мотор открытым, сўретым ыштен. Эн сай паша-влакым районысо конкурсыш колтенна.

Толя АЛЕКСАНДРОВ.
Морко, Шўргыял.

Марий тўвыра рўдер республикысе яллаште «Кугече лўнгалтышым» эртар. Иктешлыше пайрем 22 апрельыште Йошкар-Олаште лиеш.

«Ямде лийын» чап онгаже



Пошкырт кундем Дōртыльö район Чарлак школын 7-ше классыштыже тунемше Полина АЙТИЕВА

Отличнице. Математике, руш йылме дене районысо олимпиадыште тага-сен. Бирск олаште эртыше «Исследование как метод познания» республиканский конференцийыште шымлымаш пашаже кўкшын аклалтын. «Весенняя капель» районысо конкурсышто мурымашкуштымаш дене кокымшо верым налын. «Ладушки» районысо фольклор конкурсышто сенгыше радамышке лектын. Тюмень олаште эртыше финн-угор калыкын «Радуга-2017» XVII национальный фестиваль-конкурсышто I степенян лауреат лийын.

Йомак тўня



Марисола школ ден ялысе книгагудо тўрлö мероприятийым пырля эртарена.

К.Чуковскийын йомакшым сылнын лудмо конкурсыш тўналтыш класлаште тунемше-влак ушнышт. Тудым школ библиотекарь И.В.Максимова ямдылен. Пайремыште йомакысе персонаж-влакат лийыч. Мутлан, мый Муха-Цокотухам модым. Йоча-влак коклаште

Яна Усманиева ден **Коля Ешеев** сенгышыш лектыч.



Н.ЛЕПЕШКИНА,
ялысе книгагудым вуйлатыше. Шернур район.

Поэзий пайрем



Медведево посёлкысо йоча книгагудышто марий поэзийлан пōлеклалтше пайрем эртыш. Районысо тўрлö школ гыч ўдыр-рвезе-влак самырык поэтшамычын почеламутыштым сылнын лудыч.

Тыгай конкурс самырык тукумым марий йылмым пагалаш, марий поэзий дек шўманаш да сылнымутым умылаш кумыланда.

5-7-ше класслаште тунемше-влак коклаште сенгышыш лектыч:

I вер – Анастасия Иванова (Руэм); **II вер** – Кристина Ильина (Сенькан); **III вер** – Даша Берникова (Юбилейный), Андрей Габдуллин (Шойбулак).

Кугурак класслаште тунемше-влак коклаште ойыртемагыч:

I вер - Яна Пушкина (Руш Кукмарий), **II вер** - Валя Кудрявцева (Шойбулак), Ксения Павлова (2-шо №-ан Медведево шк.), **III вер** - Ирина Григорьева (Юбилейный).

Л.ГРИГОРЬЕВА.

17 апрельште Марий Эл Республикысе образований да науко министерствыште пресс-конференций эртен. Министрын алмаштышыже Т.М.Гусакова ЕГЭ да ВПР нерген каласкален. Таче Всероссийский проверочный паша (ВПР) нерген умылтарена.



Ача-ава-влак, ида тургыжлане!

ВПР илышыш эркын-эркын шындалартеш. 2016 ий майыште Марий Элысе 202 школын 4-ше классыштыже тунемше-влак ушненыт. Тунам 6 тўжем тунемше руш йылме, математике да окружающий мир предметла дене шинчымашыжым терген. Ноябрьрыште 4 тўжем ученик (2-шо да 5-ше кл.) руш йылме дене тергыме пашам шуктен.

Тений 18 апрель гыч у этап тўнгалын: 4-ше (233 школ), 5-ше (218) да 11-ше (147) класслаште ВПР эрта. Выпускник-влак ЕГЭ-н обязательный предметшыла (тыгак йот йылме) дене огыл, а географий, физике, химий, биологий да историй дене пашам возат.

– Ача-ава-влаклан ойгырыман огыл, вет ВПР тиде экзамен огыл, тудо йочан пўрымашыжым ок вашталте. Тергыме пашан лектышыжым ончалмеке, шкаланда рашемдыза: шочшыда могай предмет дене начаррак тунемеш, кузе тудым «шупшылаш» лиеш, – каласен Татьяна Михайловна. – Вес велым, ВПР – тиде кажне школлак ак, шинчымашым пуымо кўкшыт могайрак, мом вашталтыман – рашемдаш полша.

Н.СЕМЕНОВА ямдылен.

Поро ака да йолташ

Оля Николаева (снимкыште) Волжский район Сотнур школышто 9-ше «А» классыште тунемеш. Тудо изирак ийготан йоча-влаклан польш кидым шуялтыше ака, иктангашыже-влаклан поро кангашым пуышо йолташ – школ Думын вуйлатышыже. Тунемше-влак шолып йўклымō почеш ойыренят. «Школ илышым саемдыме шотышто программым ямдыленам, йоча-влаклан каласкаленам, – палдара Оля. – Школышто каныме верым келыштараш да тушто wi-fi зоным ышташ темленам. Тиде йоча-влаклан поснак келшен». Олялан шонымашке шуаш йолташыже-влак да аваже, тўнгалтыш класслам туныктышо Надежда Васильевна Николаева, полшат.

Л.ГРИГОРЬЕВА.



Н.СЕМЕНОВА фотожо.

Куанен лудына

Ме марла савыкталтше газет-влакым ешге лудаш йōратена. Мыланем «Ямде лий» газет эн чот келша. Йоча-влакын марий йылме дене возымо заметкыштым, почеламутыштым куанен лудам. Мыйынат возен ончаш кумылем лекте. Марий йылме предметым эше сайынак тунемаш тўнгалам.



Катя ЕГОРОВА,
5-ше класс.

Морко, Эгерсола.



РЕВОЛЮЦИЙ ДЕЧ ОНЧЫЧСО МАРИЙ

Партий Кедрова Анастасия Деомидовна (1896-1981).

Пашаен, марий ўдырамаш-влак кокла гыч икымше коммунист. Медведево район Пиясир ялеш 2 январьыште шочын. Земский стипендий кўшеш Чарласе ўдырамаш гимназийым шōртнōо медаль дене (1916), ВКП(б) ЦК пелен курсым (1933) тунем лектын. Горельская, Сотнур школлаште туныктен (1916-1919). Октябрь революцийым куанен вашлийын. Озангысе РКП(б) губкомышто (1919-1920), Москошто Наркомнацыште, Наркомпро-сышто Марий бюром вуйлатен, РКП(б) ЦК пелен Марий секцийын инструкторжо лийын (1920-1926), марла учебник-влакым ямдылыме да савыктыме



пашам ворандарен. Мар-обоно-што политпросвет пашам (1926-1927), РКП(б) Марий обкомышто ўдырамаш, вара инструктор-влак (1927-1930) пōлкалам вуйлатен. РКП(б) Горький крайкомышто (1930-1931), Балахна олесе МТС-ыште (1933-1935) тыршен. Икымше Марий Конституцийым марланген (1936). РКП(б) Морко райком секретарь (1935-1937) репрессийыш логалын: лагерьлаште (1938-1947), ссылкыште (1948-1954) илен. Поро лўмжым пōртылтымō (1954). Ленин орден (1967) дене палемдалтын. 1981 ий 2 февральыште колен. Пиясир школышто бюст, илыме пōрт (Йошкар-Ола, Ленин пр., 19) пырдыжыште шарнымаш она улыт.



Шерге улыт мыланем

Келшен илыше ешем илышыштем эн шерге. Ме визытын улына: ковам, ачам, авам, изам да мый. Ме кас кочкишым ышташ ўстел йыр погынена, кече кузе эртыме нерген мутлана. Ковам Звениговышто ила. Каныш кечын чыланат туддеке каена, сурт сомылым ышташ полшена. Кованам пеш йоратена. Тудо мыланна ой-кагаш-влакым пуа, илышыште чын айдеме лияш тунукта.

**Марина ОГОРЕЛЫШЕВА, 10-шо «Б» класс.
Йошкар-Ола, 21-ше №-ан школ.**

Пагалем

Ковам, авам да акам мыланем эн лишыл улыт. Ковам Екатерина Андреевна Виногорова эре колхоз пашаште тыршен. Кызыт пеленна ила. Авам Роза Аркадьевна Советский посёлкысо кевытыште кевытчылан ышта. Диана акам Йошкар-Олаште МОСИ-ште бизнес-информатиклан тунемеш. Мый чылаштым пагалем.
**Андрей ЗЛОТАРЁВ, 6-шо класс.
Куженер, Конганур.**



Шольым

Мыйын Валерий шольым уло. Тудо икымше классыште тунемеш. Ме школыш пырля коштына. Алексей Яра жапыште модына, шольым йоча- лудына, телевизорым садыш коштеш. ончена, авайлан, Тудлан йочасадыште кочай-бобойлан те пеш келша, воспитательже Светлана Васильевна Семёновам чот йората. Уремыште ме пырля түрлө модыш дене модына. Футбол мечым чумена, куржталына. Изи шольым - онай фокус-влакым ончыктылаш мастар.

**Анна ТОПОРОВА, 3-шо класс.
Волжский, Сотнур.**

**Регина ТРИФОНОВА, 3-шо класс.
Морко, Шенше.**

Карина шўжарем



Ныл ияш Карина шўжарем пеш весела, мотор, онай, чолга. Кажне кечын авам дене пырля йочасадыш коштеш. Нуно тушто модыт, тунемыт, мурат-куштат. Кастене коктын пазлым погена. Изам-шамычат Каринам йоратат, эре тудын дене модыт. Карина кушкын шуэшат, школыш пырля кошташ тўналына.

**Вика ИВАНОВА, 3-шо класс.
У Торъял, Кузнеч.**

Изи йоча

Изи йоча малаш төча: Шинчам почеш, Адак кума. Тудлан ойлем: «Изи папа». А тудо чотрак магыра.
**Наталья КУРОЧКИНА, 5-ше класс.
Марий Турек,
Марий Купто.**

Йоратем, ачаем!

Мыланем ача – эн сай, поро айдеме тўнаште. Тудо эре чын корным ончыкта, ой-кагашыж дене полша, пенгыде энертыш. Ачамым пошкудо-влак «шўртнё кидан» маныт ыле. Тудо чыла сомыллан мастар лийын: пўртым чонен, окнам, омсам, окнасергам ыштен. Ял калыклан эре полшен. Ачамым эре йораташ тўналам. Тудо мыйым неле деч лўдде, уло вийым пыштен, шонымашке шуаш тунуктен коден.

**Елена ИГНАТЬЕВА,
Морко, Нуж-Ключ.**

Южгунам ача-ава йочаштым йоча-пўртыш пуат. Ешыште кечмогай йөсө лийже, но тыге ышташ ок лий!

Эн кугу пиял

Ачамын кум шочшыжо уло. Изам-влак ачам дене илат, а мыйым Валя акам илыш корныш луктеш. Полина ўдыржө дене пырля школыш ошкылына, иквереш урокым ыштена. Эше пеш изи Эльза шўжарем уло. Уремыште игече йўштө, сандене коклан гына тудым уремыш луктына. А Ирина акам гоч кум ияш Софья шўжарем да куд ияш Миша шольым улыт. Нунымат йоратен ончем. Кертмем семын акам-влаклан полшем.

**Ксения АЛЕКСЕЕВА, 8-ше класс.
Параньга, Элпанур.**




САНДАЛЫКЫШ ЧОНЕШТЕНА



Глеб Ситников.

ЭЧУК: Ура-а! «Лёд и пламень» кевыт дене пырля эртарыме сўрет конкурсым иктешлыме! Тудым Космонавтыкын кечыжлан пӧлекленна ыле. Палынеда, мыняр паша пурен?! **500 утла...** Да-а, йоча-влак, моткоч ӧрыктарышда да куандарышда! **Эгерсола, Коркатово (Морко район), Шернур посёлкысо 2-шо номеран, Шўдымарий, Кукнур (Шернур район), Кужмарий, Какшамарий (Звенигово район), Сотнур (Волжский район) школла, Медведево район У Арбан йочасад, Йошкар-Оласе**



Бауман лицей, Национальный президент сымыктыш школ гыч ора дене сўрет-влакым нална. Нуным выставкыш чумырымо.




ПАМПАЛЧЕ: Ынде тендам сенгыше-влак дене палымым ыштена. Изирак-влак коклаште **Медведево район У Арбан йочасадыш коштшо 6 ияш Глеб Ситников да Йошкар-Оласе 7-ше №-ан школын 1-ше классыштыже тунемше Даша Трифонова палемдалтыныт. Кугурак ийготан-влак коклаште Илья Макаров (Национальный президент сымыктыш школ) сенгышыш лектын.**



Илья Макаров.



Даша Трифонова.




Илья СОЗОНОВ,
Национальный президент
сымыктыш школ.



Юлия ИВАНОВА,
Куженер район,
Шорсола.




Ксения ОРЗАЕВА,
2-шо №-ан
Шернур школ.



Максим МАЛАХОВ,
Звенигово район,
Красногорский посёлко.

Наталья СЕМЕНОВАН фотожо-влак.



Альберт Александрович ВАСИЛЬЕВ 1957 ий 25 апрельште Морко районысо Изи Маршан ялеш шочын. Изи Кугунур кандашияш школ деч вара Марий совхоз-техникумышто зоотехник специальностьым налын. Сылнымут деке школышто тунеммыж годым туныктышо Е.Е.Кудряшован вуйлатымыж почеш шўмангын. 1971 ийыште «Ямде лий» газетеш «Апрель» икымше почеламутшо савыкталтын. 1992 ийыште «Тыгае палыме чыла» икымше сборникше лектын. 2003 ий гыч Россий писатель ушемын енге.

Мый йол ўмбалне пенгыдын шогем

Поэт Альберт ВАСИЛЬЕВЛАН - 60 ий

САЛАМЛЕНА!

Мый йол ўмбалне пенгыдын шогем,
Ял дене кылым але шым йомдаре.
Тек лийже йўр, тўтан мардеж, шолем –
Нигō корнем гыч мыйым ок коранде,
Мый йол ўмбалне пенгыдын шогем.

Ял дене кылым але шым йомдаре,
Шым кай олаш, кычалын пиалем.
Кочкам, йўам, шўлем эре яндарым,
Да йўдым кайык сем дене малем –
Ял дене кылым але шым йомдаре.

Тек лийже йўр, тўтан **9-ше класслан**
мардеж, шолем –
Сенгем. Шкет ом керт – каласем пошкудым.
Коран ок ошкыл нигōат, палем.
Мыят кўлеш лиеш гын, ом кудалте тудым,
Тек лийже йўр, тўтан мардеж, шолем...

Нигō корнем гыч мыйым ок коранде.
Шке кумылем, да шкемын шонымем.
Тўшка пашаште ыштымем воране –
Тидлан мый ом чамане акылем.
Нигō корнем гыч мыйым ок коранде –
Мый йол ўмбалне пенгыдын шогем.



Шошо жап

Мотор шошо жапым куанен ужам,
Тиде сылне пагытым мые вученам.
Кече мландынажым шокшын ырыкта,
Изи шырчык мурыжо кумылнам нōлта.


Вашке Арбор мланде сылнын пеледеш,
Ош лум шулымеке, шудыжат кушкеш.
Корем мучко эркин шошо вўд йога.
Тыге Арбор мланде шошым эртара.

Лиана СЕМѐНОВА.

Марий Турек, Арбор.



Мо тыге шошылан куанен?
Точко-влакым ушыза - паледда.
Сўретдам чиялтыза.



Омарта

Уремыште шокшо –
Сылне пагыт шошо.
Эркин гына лум шула,
Йоча-влакын чон йўла.

Йўштō вел гыч кайык-влак
Мемнан деке толытат,
Тўрлō семын йўкланен,
Пўртўс сыным ылыжатат.

Йоча-влакше, погыналын,
Пōртым кайыклан чоңат.
Куаналын, юарлалын,
Пушентгылашке сакалтанат.

Юлия ИВАНОВА.

Куженер, Шорсола.

Чыла чонан ылыжеш

Шошо кече чотрак да чотрак ырыкта, каважат волгыдырак лийын. Пушенте укшлаште лыш-ташнер-влак палдырнат. Йоча-влак шошо толмылан пеш куаненит. Йогын вўд дене пушым колтылыт. Ял шенгелысе тошкемыште мече дене модыт. Йоча-влакын весела йўк-йўаныштым колын, ковамат кудывечыште куанен тошкыштеш. Сад-пакчаште кайык-влакын сылнын муралтымышт уло чоным лыпландара. Шошо – чыла чонан ылыжме пагыт.

Наташа АКТЕРШЕВА.
Морко, Нуж-Ключ.

5-ше мур

Кумалтышлан чыла ямде. Теңе толыт

Ўжмө-шамыч: Юл воктечын Аказ Онъыжа Янйыгыт шольыж гене, шкеж пелен конген Сарбосым, Кутюркам, Шерекейым, пырля - Кум узак-шольак Патый, Патыраш да Патыйк; Чолман вечын Торкан князь шке толын, пеленже Маржан эргыжым налын; Ломберан Какшан сер гычын сөй патыр Чорай, уста апшат Ашплат, каңашым нуышо Алмакай; Лаж эңер да Виче сер геч кок тўшка почела лишемын да моло-шамышат толыт.



«Тек таңасыште сеңалтше Шке шөрла мотор пөлек геч Да тетла ок пөртыл тышке, Ўдыр верч ўчашымашке.

Кеч изишлан чакнеда гын, Кондеда пеш шуко ойгым Шкаланда, эшежым моло Кызыт тынысле кундемьш:



Мучашлан Алмакай йомак сынаң ик оңайым каласкала. Лудын лекса - калык ойпогын поянлыкшым шижыда!

«ЮГОРНО» эпос почеш

Автор-влак:

**Анатолий СПИРИДОНОВ,
Анатолий МОКЕЕВ (марланден).**

Кумалтыш кок сутка шуйнен. Но Поро Юмо сөрүмө ожым налын огыл. Лач алама чонаң Пектемырын шортнө тўсын выльгыжалтше кум ияш ожыжо капшым почкалтен - тыге тудым Юмо налын.

Шуын жап, миен кўсотыш,
Сөрвалаш Ош Кузу Юмым:
Тауштен пасу перкелан,
Вольык, мўкиш, сонар перкелан,
Ончыклан йодаш эсенем
Ешлан, родо-тужым-влаклан.
А тений - Тўня кумалтыш:
Тўн карт сомыл -

Выльып валне;

Шўдө ең полша арвуйлан;
Шўдө ең каен увер ден
Марий ылыме верлашке;
Кечым палемден, тыш ўжмө
Шымле шым ош юмо-сужсым-
Мер кўсотыш, тул воктеке,
Кушто тутло сий вашке пеш
Нуньлан лиешыс ямде.


**Кузу Каңашыш
Алмакай толеш да
шке мутшым ойла:**

Иза-шольо-влак вашипжыт,
Вўдылеш шўм-чоным шыде;
Тўлыжгат ава-влак, шортын;
Эңерна ташила вўр дене,
А шўмна туртеш,

шўч лийын -

Да тунам Элнет кундемьш
Калыкна карга эрелан».

6-шо мур



Ўдырвучын ўжмө йўкшө
Вўд ўмбач

тораш йонгалтын -
Вет сонарзылан, Салийлан!
Кычкырен пайремыш огыл
Я имнешке-влак таңасыш -
Мўндыр корно гыч

сай таңжым
Ўжын, налже ман пыдалын.

ФЛЕБЕДЕВАН сўретше-влак.

26 апрель - Марий талешке кече

Кажныжлан шкенжын вуйчиёмжым муаш полшо.



КРОССВОРД

1		М		
2		а		
3		р		
	4	и		
5		й		
	6	п		
7		а		
8		т		
		ы		
	9			
	10	р		

1. Чумбылат курык вокте-не йогышо эн е р .
 2. В. Юксернын патыр нерген йомакше. 3. Онар-лан шарнымаш кум пыштыме район. 4. Ож-нысо саркурал. 5. «Акпатыр» драмын авторжо. 6. Курык-марий патыр. 7. Виче кунде-мысе патыр. 8. Г. Гордеевын драмыже. 9. Имне ўмбалне шкенжым чулымын кучышо ет. 10. Морко районысо курык.

К

Максим ГОРИНОВ.


Куженер, Ёштымбал.




Тушто

Икте йоктара, весе йӱэш, кумшо кушкеш.

Модай фигур-влакым кучылт-тын, мурызым «чоҥымо»?



Куд ияш Таня Гаврилова Морко районысо Шордур йочасадыш кош-теш. Группыштышт – ныл ўдыр, кугуракше – Таня. Тудо изирак-влаклан полша. Игече мотор годым воспитательышт Надежда Викторовна чылаштым чодырашке коштыкта.



Микку шочмо кечыжлан мыяр пӧлекым налын, шотло?

Тыгай мотор лумпеледышым Дима Иванов ден аваже, Ирина Валериевна, ыштеныт.

Вашке лум шулен пыта, Лумпеледыш нерешта! Кызытеш тыгай пеледыш Пүртүс лукнам сълнешта. **Инна АЛЕКСЕЕВА.** 1-ше номеран Морко йочасад.



Индекс: Марий Элыште - 78574, вес кундемлаште - 52713. Тираж 1300 экз. Заказ 770. Формат – А-4-8. Директор-тун редактор Л.В.СЕМЕНОВА. E-mail: yamde_lii@mari-el.ru, yamde_lii@mail.ru. Сайтын адресше: yamde-lii.ru, Тел. 45-25-49(факс); 45-22-82.

УЧРЕДИТЕЛЬ-ВЛАК: Марий Эл Республик-се культур, печать да калык-влакын пашашт шотышто министерстве, «Ям-де лий» газет» кугыжа-ныш унитарный казенный предприятий.

Газетым Массовый коммуникаций сфериште да культур наследийым аралымаште законодательством шуктен шо-гымым эскерше Федеральный службын Приволжский федеральный округысо уп-равленийыштыже регистрироватлыме. Номер – ПИ №ФС 18-1999, 2005 йл 10 февральыште пуымо.

Печатьныш пуымо жап – 14-00, фактически – 13-00. Ак – кутырен келшыме почеш.

Авторын да редакциянын шон-ымашышт түрлӧ лийын кер-тыт. Серыш-влак мӱнгеш огыт колталт.

0+

Газетым редакцияштыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакциянын да издательнын адресше: 424006, Йошкар-Ола, СССР Вооруженный Вийын 70-ше идалыкше урем, 20.